

11 September 2020

Geagte Ouer / Voog van 'n Laerskool Wiskunde uitbinker

AdMaths is 'n ekstra *vak* en nie 'n ekstra *klas* in skoolwiskunde nie. Die oogmerk van die vak is om 'n leerder, wat reeds sterk is in Wiskunde of 'n groot belangstelling daarin het, addisioneel tot die skoolsillabus te stimuleer en te verryk.

Waarom word AdMaths aanbeveel?

Baie studente getuig dat skoolwiskunde hulle nie voldoende voorberei het vir eerstejaarswiskunde op universiteit nie. Alhoewel hulle 80% gekry het op skool, sukkel hulle om aan te pas op universiteit, veral in die eerste ses maande. Verryking addisioneel tot die KABV-kurrikulum is hoogs aanbevole vir rigtings soos Ingenieurswese, B.Sc., B.Comm. en Aktuariële Wetenskap. AdMaths help om die leemte te vul wat gelaat is met die afskaffing van Wiskunde Hoër Graad in 2007 en dit bied 'n groter uitdaging aan die skrande, maar verveelde leerder.

Hoe werk die vak se studiemateriaal en assessering?

Alle leerders verkry toegang tot dieselfde hulpbronne op hul profiele by www.admaths.co.za, ongeag watter modus van onderrig 'n kliënt verkies:

1. Studiemateriaal met volledige oplossings in PDF-formaat beskikbaar in Afrikaans of Engels. Die handboekweergawe kan aangeskaf word by www.admathsretail.co.za.
2. Die *PowerPoint*-weergawe van hierdie studiemateriaal.
3. Vooraf-opgeneemde videolesings aangebied deur ervare onderwysers.

Leerders lewer elke week 'n kort opdrag in en skryf een keer per kwartaal 'n formele toets.

Is daar in-die-persoon kontakssessies?

Vir inligting oor u naaste sentrum besoek www.admaths.co.za -> *CLASS ACCESS CENTRES*. Die kontakssessies ("*Jungle*" en "*Garden*" pakkette) vind een keer per week in kwartaaltyd plaas en is 1 uur lank. Leerders wat te ver van 'n sentrum woonagtig is of wie se program bots met die klastyd, woon regstreekse webinare by ("*Blossom*" pakket). Op die "*Sprout*" pakket werk 'n leerder die studiemateriaal self deur in pas met die kwartaalbeplanning.

Hoekom Laerskool AdMaths?

Ons het gevind dat baie leerders wat AdMaths in Graad 10 begin neem, nie opgewasse is vir gevorderde wiskunde nie. Die probleem is dat ons skrande leerders nie genoeg gestimuleer word in die skoolklas nie. Baie kry met min moeite hul 80% vir Wiskunde en kwalifiseer dan vir AdMaths. Skielik leer hulle vir die eerste keer dat net harde werk sukses bring. Die verlangde aanpassing is vir die meeste 'n ontnugtering. Ons praat hier van ons toekomstige dokters, ingenieurs en rekenmeesters wat die intellektuele uitdaging nodig het vir universiteit.

Hoe verander ons die prentjie? Een van die maniere is om op laerskool 'n uitstekende basis in hoërskoolwiskunde en werksetiek te lê.

Wanneer begin die Graad 4-7 2021 program?

Dit begin in die week van 1-5 Februarie 2021.

Hoe en teen wanneer moet u registreer?

Doen asseblief aansoek by www.admaths.co.za -> Apply en betaal die **R450 registrasiefooi** teen die laatste **Vrydag 29 Januarie 2021**. Die uitslag van u aansoek is binne 2 werksdae beskikbaar. Die betalingsbesonderhede en kontrak word dan aan u ge-e-pos.

“EARLY BIRD SPECIAL” – Registreer en betaal R300 registrasiefooi teen Vrydag 13 November 2020.

Pakkette en foie

Vind ingesluit by hierdie korrespondensie ‘n blad wat uitbrei oor die “Jungle”, “Garden”, “Blossom” en “Sprout” pakkette met hul onderskeie maandfoie.

(Bv) Graad 4 AdMaths op die “Garden”-pakket kos R5060, wat die som is van 11 betalings van R460 van 1 Februarie tot 1 Desember.

Alle pakkette bied toegang tot die basiese hulpbronne soos vermeld hierbo.

Teken u ‘n kontrak met AdMaths?

Ja. Die kontrak mag beëindig word deur binne sekere maande ‘n maand skriftelike kennis van bedanking te gee by system@admaths.co.za. Daar mag tussen pakkette migreer word op dieselfde beginsel.

Wat gebeur aan die einde van ‘n jaar?

Daar is ‘n R150 administratiewe fooi betaalbaar om die kontrak met nog ‘n jaar te verleng. Neem verder kennis dat die bestaan van sentrumklasse onderhewig is aan die aantal leerders wat vir die klas registreer.

Nog ‘n paar redes hoekom u AdMaths sterk moet oorweeg:

1. Wiskunde Hoër Graad is in 2007 vir die laaste keer geëksamineer.
2. Prof. Johann Engelbrecht, wiskundige aan die Universiteit van Pretoria en deeltydse uitvoerende direkteur van die Suid-Afrikaanse Wiskunde-stigting glo Wiskunde se standaard is tans iets tussen die destydse Hoër Graad en Standaard Graad.
3. AdMaths stimuleer kinders se probleemoplossingsvaardighede.
4. AdMaths bied meer stimulasie aan ‘n leerder wat moontlik verveeld is met skoolwiskunde.
5. AdMaths help leerders geweldig baie met hul skoolwiskunde. Dit maak hulle skerper en laat hulle vinniger snap. Dit dra dus by tot verbeterde prestasie in Wiskunde.
6. AdMaths benodig ‘n groot mate van onafhanklikheid. Dit is ‘n belegging vir universiteit – nie net wat die wiskunde betref nie, maar ook die selforganisasie wat daarmee gepaard gaan.
7. Matie-student: "Hallo mnr!!! Universiteitswiskunde sonder AdMaths sou 'n nagmerrie gewees het!!!" - Danielle Simpson (H/S DF Malan)

Vir meer inligting raadpleeg www.admaths.co.za of e-pos system@admaths.co.za.

Vriendelike groete

Jean Nico de Villiers
(stigter, eienaar, bestuurder)